

## Per trutgs e pitgognas dals 17-06-2011

### Proposta da Norbert Grond

#### Süsom Givé – Jufplaun - Alp Buffalora – Buffalora - Süsom Givé

Durada: 3-4 uras  
Differenza d' autezza: ca. 350 m

Per arrivar Süsom Givé (2150 m), ha ins la pussaivladad dad ir cun l'auto da posta ubain cun l'auto privat, gronda piazza da parcar.

Süsom Givé cumenza ins la tura, l'emprima muntada da ca. 200 m differenza d' autezza è magari stippa, tar l'emprim mussavia èsi adatta per far ina pitschna pausa. La costa vers il Jalet dat en egl, qua ves'ins in iert alpin da bellezza, surtut bleras stailalvas, da la vart sanestra vesa ins il Piz d'Aint (2970 m).

Suenter 300 m vesa ins la planira da Jufplaun, il Munt Buffalora, il pastg da l'alp Buffalora e la senda che maina vers Munt la Schera en il parc naziunal. La senda traversa laviners, spundas da crappa e pigns. Sin il dies dal Termel (2350 m) po ins far ina ulteriura fermada, ina flora da bellezza oravant tut la primavaira, las muntognas cun il Serraglio ed ils glatschers dal Piz Murtaröl il pli aut en Val cun 3180 m. Ins chamina vinavant fin sin il dies che mussa la bella Val Mora, suenter ina buna marena, turna ins sin la senda vers la chamona da l'alp Buffalora. In sguard enavos vers Jufplaun, in siemi per l'ami da la natira. En ca. 40 minutas arriva ins tar il restaurant Buffalora (1970 m), là datti era ina fermada da l'auto da posta.

Questa tura è er adattada per famiglias.